

KINDERS

HOOP VIR DIE VOLGENDE GENERASIE



24-7 GEBED VIR HERLEWING 22-28 JUNIE 2026

*En al jou kinders sal deur die HERE geleer wees, en die vrede van jou kinders sal groot wees.
(Jesaja 54:13, AOV)*

Jesus het kinders verwelkom en geseën en verklaar dat die Koninkryk van God aan sulkes behoort. Tog word miljoene kinders wêreldwyd gekonfronteer met vrees, armoede, geweld en geestelike duisternis.

Ons nooi jou uit om saam met ons te bid dat kinders die liefde van Jesus Christus sal ervaar, hulle identiteit in Hom sal ontdek en in God se doel met hulle lewe sal groei, terwyl gesinne, kerke en gemeenskappe plekke van hoop, genesing en beskerming word.

Daar is wêreldwyd meer as 2 miljard kinders onder die ouderdom van 15 jaar. Meer as 1 miljard woon in Asië en meer as 500 miljoen woon in Afrika. [Lees meer](#)

**MAANDAG 22 JUNIE 2026
KINDERS SONDER VEILIGE HUISE
SUID-SOEDAN**

➤ Byna 50 miljoen kinders is wêreldwyd in 2024 weens konflik en geweld onthoem.

Baie kinders in Suid-Soedan het **grootgeword te midde van konflik, ontheemding en armoede**. Sommige het ouers deur oorlog of onstabieliteit verloor en woon nou in skuilings of op straat, dikwels sonder veiligheid, ondersteuning of stabiele onderwys. Baie bly kwesbaar vir vrees en om sonder hoop te lewe.

Maar God...

God laat die eensames woon in 'n huisgesin... (Psalm 68:7, AOV).

Kom ons bid

- Bid dat die Here veilige huise, liefdevolle versorgers en genesende gemeenskappe vir **kwesbare kinders** in jou buurt sal voorsien.
- Bid dat die Kerk in **Suid-Soedan** 'n toevlugsoord vir verlate kinders sal word.
- Vra die Heilige Gees om die Vader se liefde aan vreesbevange kinders te openbaar en hulle te lei na genesing, geborgenheid en 'n persoonlike verhouding met Jesus Christus.

DINSDAG 23 JUNIE 2026

GETRAUMATISEERDE KINDERS OEKRAÏNE

- Meer as **een uit elke ses kinders wêreldwyd** woon nou in gebiede wat deur konflik en oorlog geraak word.

Baie kinders in Oekraïne het **trauma ervaar as gevolg van oorlog, ontheemding en onstabiliteit**. Sommige was van kleins af getuies van vernietiging en vrees. Langdurige konflik laat diep emosionele wonde, terwyl kinders desperaat veiligheid, liefdevolle leiding en die hoop van Christus nodig het.

Maar God...

Hy beskut jou onder sy vleuels en is vir jou 'n veilige skuilplek... (Psalm 91:4).

Kom ons bid

- Bid dat die Here **straatkinders** in jou stad, wat deur geweld geraak word, sal beskerm en vrede, genesing en deernisvolle versorgers in hulle lewens sal bring.
- Vra die Heilige Gees om kerke en skole in **Oekraïne te versterk** om hoop, stabiliteit en die liefde van Jesus aan getraumatiseerde kinders te bedien.

WOENSDAG 24 JUNIE 2026

KINDERS VASGEVANG IN ARMOEDE INDIË

- Byna **900 miljoen kinders wêreldwyd** ervaar multidimensionele armoede en het nie toegang tot basiese noodsaaklikhede nie.

Miljoene kinders in Indië word **gekonfronteer met armoede, honger en beperkte onderwys**. Baie woon in oorvol gemeenskappe sonder behoorlike gesondheidsorg of ondersteuning.

Maar God...

Julle moet reg laat geskied aan die mens in nood en aan die weeskind... (Psalm 82:3).

Kom ons bid

- Bid dat die Here vir **kinders in kindershuise** in jou stad sal voorsien en leiers wat omgee sal oprig om hulle te ondersteun, te versorg en op te voed.
- Vra die Heilige Gees om kinders in **Indië** wat in armoede leef, met hoop, doelgerigtheid en vertroue in hul Godgegewe identiteit te vul, en toekomstige Christelike leiers uit nederige gemeenskappe op te rig.

DONDERDAG 25 JUNIE 2026

KINDERS WAT MET DIGITALE VERSLAWING SUKKELE SUID-KOREA

- Studies wêreldwyd toon **toenemende angs, isolasie en skermafhanklikheid** onder kinders as gevolg van skadelike digitale blootstelling.

Baie kinders word vandag diep **beïnvloed deur sosiale media en digitale stimulasie**. In Suid-Korea sukkel baie met angs, isolasie en skermverslawing. Kinders het wysheid, gesonde verhoudings en geestelike leiding nodig om tegnologie op maniere te gebruik wat God eer.

Maar God...

Niks wat sleg is, wil ek nastreef nie... (Psalm 101:3).

Kom ons bid

- Bid dat die Here aan ouers, onderwysers en skoolleiers in jou stad wysheid sal gee om **kinders wat aan skadelike digitale invloede blootgestel is**, te lei in die gesonde gebruik van tegnologie en media.
- Vra die Heilige Gees om die harte en gedagtes van kinders in **Suid-Korea** teen skadelike invloede te beskerm en 'n honger na God se teenwoordigheid, waarheid en doel in hulle aan te wakker.

VRYDAG 26 JUNIE 2026

KINDERS SONDER GEESTELIKE LEIDING SWEDE

- Miljoene kinders wêreldwyd word groot met **min blootstelling aan Bybelse dissipelskap** of Christelike gemeenskap.

Baie kinders in sekulêre samelewings word groot met min blootstelling aan Bybelse waarheid of dissipelskap. In Swede word baie jongmense beïnvloed deur waardes wat onafhanklikheid van God aanmoedig, wat **kinders geestelik leeg en onseker oor waarheid en identiteit laat**.

Maar God...

Gee leiding aan 'n jongmens oor hoe hy moet leef... (Spreuke 22:6).

Kom ons bid

- Bid dat die Here herlewing sal laat uitbreek onder **kinders wat in sekulêre omgewings in jou land grootword** en getroue ouers, pastore en kerke sal oprig om die volgende generasie te dissipeleer.
- Vra die Heilige Gees om baie kinders in **Swede** na 'n persoonlike verhouding met Jesus Christus te trek en hulle in sterk Christelike vriendskappe en plaaslike gemeentes te vestig.

SATERDAG 27 JUNIE 2026

KINDERS WAT MISBRUIK, HANDEL EN UITBUITING ERVAAR THAILAND

- Kinders verteenwoordig byna 'n derde van geïdentifiseerde slagoffers van mensehandel wêreldwyd.

Baie kinders wêreldwyd word gekonfronteer met **misbruik, mensehandel en uitbuiting**. In Thailand laat armoede en gebroke gesinne kwesbare kinders blootgestel aan skade en emosionele trauma. Baie dra vrees en skaamte saam tot volwassenheid.

Maar God...

Julle moet die mens in nood en die arme bevry, hulle uit die mag van die goddelose red. (Psalm 82:4).

Kom ons bid

- Bid dat die Here **voorskoolse kinders** teen misbruik, mensehandel en uitbuiting sal beskerm en veilige skuilings, liefdevolle versorgers en sterk ondersteuningsisteme sal oprig.
- Vra die Heilige Gees om genesing en herstel te bring aan sielkundig gewonde kinders in **Thailand** en kerke toe te rus om die deernis, barmhartigheid en geregtigheid van Jesus Christus uit te leef.

SONDAG 28 JUNIE 2026

KINDERS SE SOEKE NA IDENTITEIT EN DOEL BRASILÏ

- Groeiende getalle van kinders **sukkel met eensaamheid, verwerping, angs en verwarring** oor hulle identiteit.

Baie kinders sukkel vandag met verwerping, eensaamheid en identiteitsverwarring. In Brasilië verdraai gebroke huise en sosiale druk dikwels kinders se gevoel van waarde en doel. Ware identiteit word gevind deur Jesus Christus te ken en in 'n verhouding met Hom te wandel.

Maar God...

Ek het jou op jou naam geroep, jy is Myne. (Jesaja 43:1).

Kom ons bid

- Bid dat **kinders uit alle agtergronde** in jou land hulle identiteit, waarde en doel in Jesus Christus sal ontdek en sal groei in hulle vertrouwe as kinders van God.
- Vra die Heilige Gees om mentors, pastore, onderwysers en ouers in **Brasilië** op te rig wat kinders in geloof sal versorg en hulle sal help om God se stem te hoor.